

Skýrsla framkvæmdaráðs Kvennalistans til landsfundar 14.-16. nóvember 1997

Fundir í ráðum og nefndum Kvennalistans

Landsfundur Kvennalistans var haldinn í Viðey dagana 2.-3. nóvember 1996 og Vorþing að Heimum á Hvalfjarðarströnd dagana 3.-4. maí 1997.

Framkvæmdaráð hefur síðan haldið 27 fundi, samráð hefur hist 2 sinnum og haldið 2 símafundi. Landsfundarnefnd hittist 10 sinnum.

Landsfundur var fremur slælega sóttur en aðsókn að Vorþingi var mun meiri. Þátttaka í Samráðsfundum var með ágætum.

Starfskonur Kvennalistans

Sigrún Erla Egilsdóttir var framkvæmdastýra samtakanna til 1. september 1997 en þá kom Áslaug Thorlacius til baka úr fæðingarorlofi. Stefanía Óskarsdóttir framkvæmdastýra þingfloks léti af störfum 1. febrúar 1997. Guðrún Jónsdóttir var ráðin í hennar stað. Stöðugildi hennar var um leið stækkað úr 60% í 75%. Frá og með 1. september hefur hún verið í 100% starfi.

Sonja B. Jónsdóttir léti af störfum sem ritstýra Veru um áramót og var Elísabet Þorgeirsdóttir ráðin í hennar stað.

Opnir fundir og ráðstefnur

Kvennalistinn stóð fyrir opnum fundi um kvennarétt í Hlaðvarpanum þann 8. mars. Erindi fluttu þær Brynhildur Flóvez, Ragnheiður Elva Þorsteinsdóttir og Unnur Pétursdóttir. Fundinn sóttu vel á 3. tug kvenna. Á fundi um plebbamenningu sem haldinn var þann 20. mars talaði Áshildur starfskona Stígamóta. Fundinn sóttu fáar en góðar konur.

Kvennalistinn stóð einnig að ráðstefnu um framtíðarsýn í atvinnu- og umhverfismálum sem haldin var 5. apríl. Ráðstefnan var ágætlega sótt. Framsögu höfðu Tryggvi Felixson, Kristín Einarsdóttir, Hólmfríður Sigurðardóttir, Hilmar Malmquist, Jón Ingimarsdóttir, Kristín Halldórsdóttir, Einar Valur Ingimundarson, Steinunn Harðardóttir, Gunnhildur Valdimarsdóttir, Oddur Benediktsson, Guðrún Agnarsdóttir og Dennis Jóhannesson.

Kvennalistinn hélt, ásamt hinum stjórnarandstöðuflokkunum á þingi, ráðstefnu um velferðarmál 10. maí. Ráðstefnuna sóttu hátt í hundrað manns. Erindi fluttu Sigrún Júlíusdóttir, Jón Björnsson, Gestur Guðmundsson, Vigdís Jónsdóttir og Halldór Grönvold og einnig var unnið í hópum.

Kvennalistinn stóð einnig að sameiginlegum fundi kvenna í stjórnarandstöðuflokkunum um hlut kvenna í stjórnmálum morgundagsins. Erindi fluttu: Drífa Snædal Jónsdóttir, Guðný Guðbjörnsdóttir, Jóhanna Sigurðardóttir, Kolfinna Baldvinsdóttir, Margrét Frímannsdóttir, Nína Helgadóttir, Rannveig Guðmundsdóttir, Sigrún Elsa Smáradóttir og Þórunn Sveinbjörnsdóttir. Fundarstýra var Ragnhildur Vigfúsdóttir. Á fundinn mættu um 140 konur, þar af margar úr Kvennalistanum.

Kvennalistinn stóð ásamt fjölda stofnana og félagasamtaka að málþingum um kynferðisofbeldi í Háskólabíói. Þau voru haldin 5 laugardaga í febrúar og mars. Fulltrúar Kvennalista í undirbúningsnefndinni voru Dóra Hlín Ingólfssdóttir og Anna Ólafsdóttir Björnsson. Einn af ávöxtum þessa starfs voru ný samtök sem stofnuð voru í Hlaðvarpanum 11. nóvember 1997 og bera heitið Samstaða gegn kynferðisofbeldi. Kvennalistinn er einn af stofnfélögum þeirra samtaka.

Ferðir á fundi og ráðstefnur erlendis

Kvennalistinn styrkti 3 konur, Önnu Ólafsdóttur Björnsson, Kristínu Ástgeirs dóttur og Kristínu Einarsdóttur vegna verðar á afhendingu Friðarverðlauna Nóbels sem fram fór í Oslo.

Kristín Jónsdóttir fór sem fulltrúi Kvennalistans á baltnesk-norrænu jafnréttisráðstefnuna „Konur og karlar tala saman“ sem haldin var í Valmiera í Lettlandi í ágúst sl.

Ragnhildur Helgadóttir sótti, fyrir hönd Kvennalistans, Norðurlandaráðsþing ungs fólks sem haldið var í Helsinki helgina 7.-9. nóvember 1997.

Útgáfumál

Kvennalistinn gaf að jafnaði út eitt fréttabréf á mánuði. Kvennalistinn gefur auch þess út kvennablaðið Veru sem kemur út 6 sinnum á ári. Stefnuská Kvennalistans var endurprentuð á árinu og einnig voru kynningarbaeklingar um samtökin á íslensku, ensku og dönsku endurskoðaðir og prentaðir.

Myndlistarsýningar

Sýning á málverkum og objektum eða hlutum Ragnheiðar Ragnarsdóttur sem sett var upp fljótegla eftir flutninginn í Pósthússtrætið stóð fram yfir áramót. Næstar sýndu Þorgerður Jörundardóttir og Mimi Stallborn skúptúrverkið „Vorhugur“. Nú nýverið setti Elsa Dórothea Gísladóttir upp verk sitt „Ævintýri“ sem einnig telst vera skúptúr. Málverk eftir Kristínu Blöndal hefur prýtt veggi í fundarherbergi þingflokkssins síðan í ágúst.

Önnur pólitisk starfsemi samtakanna

Framkvæmdaráð Kvennalistans gerði skoðanakönnun meðal Kvennalista-kvenna um framtíð samtakanna. Ákveðið var að ekki yrði unnið úr könnuninni nema svörun yrði a.m.k. 50%. Það náðist ekki og því var ekki unnið úr gögnunum.

Framkvæmdaráð skipaði, að ósk Margrétar Frímannsdóttur formanns Alþýðubandalags, 2 konur, þær Steinunni V. Óskarsdóttur og Stefaníu Óskarsdóttur í nefnd um samstarf stjórnarandstöðuflokkanna stuttu eftir landsfund 1996. Seinna bættust Sjöfn Kristjánsdóttir og Sigrún Jónsdóttir í þann hóp. Nefndin lauk störfum eftir að Samráð samþykkti 30. ágúst að Kvennalistinn tæki ekki þátt í samstarfsviðræðum flokkanna sem heild.

Kvennalistinn tók frumkvæði að stofnun nefndar sem starfaði til hliðar við ofnagreinda samstarfsnefnd. Hennar hlutverk var að kanna hljómgrunn innan þessara flokka fyrir kvenfrelsishugmyndum okkar. Í nefndinni sátu af hálfu Kvennalista Guðrún Jónsdóttir og Brynhildur Flóvenz.